

UNA NOTTE IN BIDDA

Hapo dormidu gai cun piaghene
unu sonnu lezeri e pasidu
cando cuminzo a intender rumores confusos,
appeutu de caddos,
arrejonare de zente passende,
sos boes cun su carru in s'impedradu.

Ma so forsis torradu pizzinnu
o est sa 'idda chi no est mudada?

E già, sun passados seculos
chi mi che so fuidu, a caddu
a su caddu meu rude non domadu,
a su caddu meu chi non sentit briglia
currinde una cursa de cunzettos isapidos,
de sonnios de grandesa, de bambos eroismos
in chirca de afferrare sa furrada andera
de branas confusas malas a sighire.

E so torradu a dormire a s'antiga domo mia
unu sonnu dulce de riposu e paghe
ninnadu dae sos alenos de su 'ighinadu
e dae sos discretos rumores
e su caldu affianzu
de sa 'idda amiga e mama.

fatta a sa lestra

VITTORIO FALCHI

ROMA